

中國方志叢書·華中地方·第一六七號

據

民國·張仁靜修，錢崇威纂，金詠榴續纂
民國二十三年刊本


影印

江蘇省

青浦縣續志

(一)

成文出版社有限公司印行



10097987

中國方志叢書·華中地方·第一六七號

據

民國·張仁靜修，錢崇威纂，金詠榴續纂
民國二十二年刊本

影印


江蘇省

青浦縣續志

(二)

成文出版社有限公司印行

201-102



10097988

中國方志叢書·華中地方·第一六七號

據

民國·張仁靜修，錢崇威纂，金詠榴續纂
民國二十三年刊本

影印

江蘇省

青浦縣續志

(三)

成文出版社有限公司印行

8914



10097985

中華民國六十四年 月臺一版

青浦縣續志

全三冊

發行人：黃 成 助

出版者：成文出版社有限公司
台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

青	表	麥	朋
浦	二	圖	編
縣	十	一	一
續	四	麥	麥

中華書局
十二卷全

蘇州葑門十全
街陳海泉刻印

青浦縣續志總目

于序

錢序

釋凡

題名

目錄

圖目

跋

青浦縣續志序

志與史相表裏志詳於史而寬於史二體雖殊其用則一劉知幾有言史才須有三長才學識也苟副以周知事物之明通達體用之道參貫微婉之旨闡揚幽晦之文庶乎良史矣不然山栖一志不偶遷固皇覽徧略見嗤乘杙劉祥宋書不稱實錄何者三長未賅難勝史箴也惟志亦然疆圉廣狹編戶盈朒堤圩溝洫之置毀人物六藝倫紀之文野水陸兵防隘塞之廢興一一書之所以佑啟後人咸以正罔缺然而不蕪不穢亦謹亦飭豈易言哉歲庚午余奉命長青浦下車問縣志則清光緒五年以後者無聞焉先是民國六年知事張君仁靜勸議續修延吳江錢太史崇甄主其事不久輟十六年由本邑沈京曹彭三君總纂明經陳龍章曹維楨左右之

稿未就復輟溯自己卯到今幾五十年卽斷之勝朝亦已卅載邑之志乘曠焉弗修曷日玩歲後之人於本邑事事物物舉芒芻迷昧雖能言夏殷之禮而紀宋不足徵將何以昭茲來許迺敦聘本邑金孝廉劍花爲總纂戴明經禹修沈茂才瘦東爲協纂討論裨諲之草創從而釐剔潤色訂正舛錯裁量增損如是歲餘而余去官甲戌春稿成汗青有日間序於余余維修志之難視其人視其事錄舊而承譌不識三途五體朞月而已可也若夫遐搜博采析蘊剖疑三年有成猶勉焉唐書成於劉昫趙宋以五代衰世之士氣力卑弱命曾公亮歐陽修刊修之歷十有七年而成詎非損益爬梳人事因革有難易邪茲志凡二十四卷斷於清代覈實有徵清規安正繼光緒之志而增補之於其是非部居斟酌不稍假借非

金孝廉輩賅有三長不能也余則一時邁會不斷而書梓人
之名後之從政是邦者鑒往察微可亡百世讀茲志其亦鈞
石表瑗也夫

歲在閏逢閏茂如月薦任職正任青浦縣縣長良常于定撰

[illegible]

青浦縣續志序

余幼就塾時同邑傅表伯渭驥先生自青浦學官解組歸嘗聞與父輩述是邦風土之美顧童穉未甚了了比長讀鄉先生董子誥文集有至青浦與弟方立書謂其地歟江歟河腋吳肘越而於山川人物之秀偉俯仰古今發揮盡致蓋董氏嘗慕游於此故言之津津不奈心嚮往之顧塵鞅羈束恆以未至其地爲恨今百秋余捧檄來長是邑方喜觀光願遂甫入竟望之蔚然深秀者孔宅至聖衣冠墓也尤不禁肅然起敬下車後深慚德薄不能致言氏絃歌之化而急欲得賢士如潛臺子羽者迨訪金君劍華見其方處斗室與戴君禹脩沈君瘦東分據硯席操筆和鉛將熊氏純叔諸先輩所纂青浦志而賡續之也光緒初年訖宣統辛亥因革損益舉一邑

之典章文物而始終之而於前志所載補其闕正其譌用意尤見周至烏虜謂非金君等具才學識三長者可能若是乎抑又聞之是志也發端於民國丁巳邑中賢達多與其役顧草創之而未就越一年丁卯重經整理不久復輟又越四年辛未前任金壇于君秋穆深思歲月寢久稿將散佚乃聘金君等三人爲總協纂踵成之然中經壬申倭警又輟半載迄余抵任後三月乃始完稿付諸剞劂其委曲阻難也若此設非金君等淬厲精神鏗而不舍其成效未可知也今以鏤版將竣而問序於余余履任歲餘媿乏建樹躬逢是志之成遂得署名簡末寧非幸事尤喜此邦人士秉峰泖靈淑之氣益以近聖人居薰陶有素丁茲世界潮流澎湃而徵文攷獻未嘗無人良歟遺風猶有存者證以吾鄉董傳雨先生曩昔所

稱述髣髴近之風雨如晦雞鳴不已竊願後之官斯土居斯
鄉者守是而勿墜焉則又余之所深冀也已
是爲序
中華民國二十三年十一月
青浦縣長武進錢家驤謹撰

青浦縣續志釋凡

一 凡郡縣志前人有成書者大抵宜續不宜毀昔賢如章氏學誠孫氏星衍皆嘗言之本志竊本此悵以爲熊氏前志之續

一 前志熊氏所纂斷於光緒二年刻成增入補遺則爲五年而設司徵訪聚稿比設實在同治之末光緒之初本志託始是時迄宣統三年而止其因敘事而追述既往者不在此限

一 前志爲類十有三爲目七十有六本志於類仍其舊於目則各隨事勢爲損益不盡同也

一 松江府續志於舊有闕漏別爲補遺於舊有疏舛別爲考證其不置以時無可強圻者則統編焉本志資爲法